

ՀՏԴ 327

Պատմություն

Կարինե ԱԼԵԲՍԱՆՅԱՆ**Շիրակի հայագիտական հետազոտությունների կենտրոնի****ավագ գիտաշխատող , պ.գ.թ.****E-mail: teachersunionshirak@gmail.com**

ԽԱՂԱՂՈՒԹՅԱՆ ՕՐԱԿԱՐԳՈՎ ՊԱՏԵՐԱԶՄԵԼՈՒ ԹՈՒՐՔԱԿԱՆ ՌԱԶՄԱՎԱՐՈՒԹՅՈՒՆԸ 1918-1921ԹԹ.

Սույն հոդվածում քննվում է 1918-1920 թվականներին թուրք-հայկական պատերազմների ընթացքում մշակված և հաջողությամբ կիրառված խաղաղության օրակարգով պատերազմելու թուրքական ռազմավարությունը:

Թուրքական դիվանագիտական զինանոցում իր ուրույն տեղը զբաղեցրած այս ռազմավարությունը, ապահովելով 1918-1921 թվականներին թուրքերի դիվանագիտական ու ռազմական հաղթանակները, հաջողությամբ գործարկվում է նաև այսօր հայ ժողովրդի և հայոց պետականության դեմ:

«Խաղաղության օրակարգով պատերազմելու ռազմավարությունը, որ թուրքերը կիրառել են սովորաբար պատերազմական հանցագործություններից հետո, ոչ միայն հնարավորություն է ընձեռել նրանց խուսափել պատասխանատվությունից, այլ բանակցություններին զուգահեռ շարունակելով պատերազմը՝ նոր տարածքներ զավթել, նորանոր մարդկային և նյութական կորուստներ պատճառել հայերին:

Ելնելով վերոհիշյալից մեր առջև նպատակ ենք դրել բացահայտել վերը նշված ռազմավարության էությունը, թուրքական խաղաղության օրակարգի և հայոց ցեղասպանության անտեսանելի կապը, հիմնավորել

թուրքական խաղաղությունից պաշտպանվելու անհրաժեշտությունը:

Բանալի բառեր՝ խաղաղության օրակարգի ռազմավարություն, թուրքական դիվանագիտություն, պատերազմական հանցագործություն, ցեղասպանություն, բանակցություն, դիվանագիտական խարդավանքներ, թուրք-հայկական պատերազմ:

К.Александян

ТУРЕЦКАЯ СТРАТЕГИЯ МИРНОЙ ПОВЕСТКИ В ПЕРИОД 1918-1921ГГ.

Послевоенные события происшедшие в Армении, еще раз свидетельствуют о том, что Турция с удивительной точностью повторяет кровавую реальность 100 летной даяности и использует свой необыкновенный арсенал дипломатических средств и методов для достижения целей в мировом обществе. Исходя из вышесказанного, мы считаем целью нашего исследования: выявить и обосновать те методы и средства турецкой дипломатии, с помощью которых она обеспечивает себе бесспорное преимущество в деле мирного урегулирования военных конфликтов и неоспоримый успех в стратегии “мирной повестки”.

В статье мы попытались раскрыть ведущую роль “мирной повестки” Турцией в деле урегулирования военного конфликта и достижения успеха в переговорах на выше указанных дипломатических переговорах, одновременно ведя захватическую и кровополитную войну.

Следует осособой отметить, что в даже момент подписания договоров о прекращении огня, они не соблюдали данный акт подписания на госудрсвенном уровне и нарушали согласованность.

Создавалось впечатление, что подписанные соглашения и не имеют никакого значение и не мешают Турции вести открытую войну, нарушая все договорности.

Важно указать, что Турция и сейчас, применяет, стратегию “мирной повестки” на разных уровнях дипломатических переговоров и с Россией и с Армений.

Следовательно перед нами стоит важнейшая задача: показать невидимое связи между Геноцидам армянского народа и ложной турецкой стратегии “мирной повестки”, обосновать необходимость защиты от ее дальнейших погубных последствий.

Ключевые слова: стратегия “мирной повестки”, турецкая дипломатия, военное преступление, геноцид, переговоры, дипломатические махинации, турецко-армянская война.

K. Aleksanyan

**TURKISH STRATEGY OF WAR ON THE PEACE AGENDA
1918-1921**

The 100-year history of the Armenians, repeating itself almost identically, posing new challenges to all Armenians, testifies that it has not yet received serious scientific research.

We are talking, in particular, about studies of Armenian-Turkish relations and strategies developed and used in the Turkish diplomatic arsenal.

Our goal is to reveal in this article the essence of the strategy of waging war on the "peace agenda", which has taken its special place in the Turkish diplomatic arsenal, ensuring the military and diplomatic successes of the Turks.

The "peace agenda", which the Turks usually put forward after war crimes, gave them the opportunity not only to avoid responsibility, but also, by negotiating, to continue the war. 1918-1921 the strategy of the "peace agenda", developed and successfully launched by Turkish diplomacy during the Turkish-Armenian wars, ensured diplomatic and military victories of the Turks. In particular, having violated the resistance of the Armenians with the propaganda of peace and dulled their vigilance, the Turks continued to implement the policy of seizing Armenian territories and the Armenian Genocide.

An important source for revealing the essence of the strategy of war with the peace agenda are the years 1918-1921. studies of wars and treaties accompanied by war crimes carried out by the Turks. We are talking, in particular, about the Brest-Litovsk, Batumi, Alexandropol, Moscow and Kars treaties, in previous negotiations on the conclusion of which the above strategy was developed and applied.

We tried in 1918-1921 having studied the peace negotiations and the agreements concluded during the Turkish-Armenian wars, we have identified the role of the strategy of the peace

agenda in the Turkish diplomatic and military successes in the negotiation process for a peaceful settlement in Brest Litovsk, Batumi, Alexandropol, Moscow and Kars and in the relevant concluded agreements.

By the way, the strategy of war with the peace agenda is successfully operating against the Armenian statehood and people today. Therefore, we have set ourselves the task of showing the invisible links between the "era of peace" and the Armenian Genocide and substantiating the need to protect against the Turkish world.

Key words: *peace agenda strategy, Turkish diplomacy, genocide, negotiations, diplomatic machinations, Turkish- Armenian war.*

Հայոց վերջին՝ գրեթե նույնությամբ կրկնվող 100 տարվա պատմությունը, նոր մարտահրավերների առաջ կանգնեցնելով համայն հայությանը, վկայում է, որ այն դեռ լուրջ գիտական ուսումնասիրությունների և հանրայնացման կարիք ունի: Խոսքը վերաբերում է մասնավորապես հայ-թուրքական հարաբերություններին և թուրքական դիվանագիտական զինանոցում մշակված ու գործարկված ռազմավարությունների ուսումնասիրություններին:

Թուրքական դիվանագիտական զինանոցում իր ուրույն տեղը զբաղեցրած, 1918-1920թթ. թուրք-հայկական պատերազմների ընթացքում մշակված և հաջողությամբ գործարկված «խաղաղության օրակարգով» պատերազմելու, խաղաղություն պարտադրելու ռազմավարությունը ապահովել է թուրքերի դիվանագիտական և ռազմական հաղթանակները: Վերոհիշյալ ռազմավարությունը, որ թուրքերը գործարկել են սովորաբար պատերազմական հանցագործություններից հետո, նրանց ոչ միայն հնարավորություն է ընձեռել խուսափել պատասխանատվությունից, այլ բանակցություններին զուգահեռ շարունակելով պատերազմը՝ նոր տարածքներ զավթել, նորանոր մարդկային և նյութական կորուստներ պատճառել հայերին:

Ի դեպ այն այսօր էլ հաջողությամբ իրականացվում է հայոց պետականության և ժողովրդի դեմ: Հետևաբար մեր առջև նպատակ ենք դրել բացահայտել վերը նշված ռազմավարության էությունը, թուրքական խաղաղության օրակարգի և հայոց ցեղասպանության անտեսանելի կապը, հիմնավորել թուրքական խաղաղությունից պաշտպանվելու անհրաժեշտությունը:

Դեռևս 1915թ. վերջին Բարձր Դռան և մի քանի կովկասցի մուսուլմանների կողմից Ստամբուլում առաջ էր քաշվել Թուրքիայի հովանավորությամբ իբրև անկախ, քաղաքականապես միավորված, առանց ազգային և դավանական խտրականության Կովկասի ստեղծման գաղափարը:¹ Իսկ Առաջին համաշխարհային պատերազմի մեջ մտնելու կապակցությամբ երիտթուրքերի կուսակցության գլխավոր վարչությունը հայտարարել էր. «Թուրքիան իր ազգային ծրագիրը մշտնջենապես ապահովելու համար պետք է սահմանները տարածի մինչև Կովկասյան լեռնաշղթան և տիրի

¹ Ալվետիսյան Հ., Հայկական հարցը 1918թ., Երևան, 1997, էջ 9, Ἀἰθερίαιδον ἐὶ ἀδιδοεαῖον ἱ ἁἷα ἱαίε ἱ ἱεοèèâ Çàëääëacüv ἐ Ἀδόçèè. Òèðèèñũ, 1919, ã. 10-11.

Դերբենդի անցքին: Առանց այդ սահմանների Թուրքիան միշտ ենթակա կլինի Մոսկովյան ռոնձգություններին»:¹

Թուրքական այս ծրագրերի իրականացման համար նպաստավոր պայմաններ են ստեղծվում Հոկտեմբերյան հեղաշրջումից հետո, երբ ռուսական զորքերի կազմալուծման արդյունքում ռուս-թուրքական կովկասյան ճակատը բաց է մնում թուրքերի առաջ: Վերջիններս 1918թ. փետրվարին հայտարարելով, որ կշարունակեն ռազմական գործողությունները մինչև ռուսական զորքերին հանդիպելը, անարգել շարժվում են առաջ:² Նորաստեղծ անդրկովկասյան իշխանությունները չեն կարողանում կազմակերպել երկրի պաշտպանությունը թուրքական հարձակումներից, առավել ևս՝ թուրքական դիվանագիտական խաղերից: Գրավելով Արևմտյան Հայաստանը՝ թուրքերը միաժամանակ հաշտության բանակցությունների առաջարկներով թուլացնում են Անդրկովկասի ժողովուրդների դիմադրական կորովը, երկպառակություն գցում նրանց միջև: Մինչև Անդրկովկասին Խորհրդային Ռուսաստանից անկախ ինքնուրույն պետության դերին պատրաստելը թուրք «խաղաղադարները» Բրեստ-Լիտովսկի բանակցություններում, հակառակ առանց անեքսիաների և ռազմատուգանքների հաշտություն կնքելու լենինյան դրույթներով առաջնորդվող Խորհրդային Ռուսաստանի, առաջ են քաշում որպես ռազմական ծախսերի փոխհատուցման վճար Կարսի, Արդահանի, Բաթումի մարզերի վերադարձի, կովկասյան ինքնուրույն պետության ճանաչման, իրենց ներքին գործերի մեջ խառնվելուց հրաժարվելու պահանջները:

1918թ. մարտի 3-ին կնքված Բրեստ-Լիտովսկի պայմանագիրը, որով Կարսն Արդահանն ու Բաթումը հանձնվում էին թուրքերին, հայ քաղաքական շրջանակներում բուռն քննարկումների տեղիք է տալիս: 1918թ. ապրիլի 6-8-ին /19-21/-ը Անդրկովկասի Մեյմի և կառավարության հայ անդամների, Ազգային խորհրդի, կուսակցությունների ներկայացուցիչների, Երևանի և Կարսի նահանգական կոմիտեների և Հայոց ազգային խորհուրդի, Երևանի, Կարսի ու Ալեքսանդրապոլի լիազորների Ալեքսանդրապոլում կայացած խորհրդակցության ժամանակ, որտեղ քննության է առնվում հաշտության խնդիրը, Խ.Կարճիկյանը դեմ լինելով Բրեստ-Լիտովսկի պայմանագրի ընդունմանը և Կարսը հանձնելու գնով պատերազմի դադարեցմանը, իրավացիորեն նշում էր, որ ամեն պարագայում մենք պետք է շարունակենք կռիվը և երբեք չպետք է կամովին տանք մեր դիրքերն ու ամրությունները, եթե անգամ այդ կռիվը լինի միանգամայն անհույս և հետևանքը պարզ, այնուամենայնիվ մենք չպետք է զիտակցաբար զենքը վայր

¹ *Ավետիսյան Հ., Հայկական հարցը 1918թ., Երևան, 1997, էջ 9:*

² *Ավետիսյան Հ., նշված աշխ., էջ 81:*

դնենք: Պատերազմը դադարեցնելը մեզ համար ինքնասպանության նշանակություն ունի: Իսկ մեր անվերջ տատանումները և հասարակական զանազան խմբակցությունների ու օրգանների ազդեցության հոգուտ Բրեստի դաշնագրի, մեծապես թուլացնում է մեր դիմադրական ուժը, անվստահություն ներշնչում մեր կովոդներին և կազմավործում առաջ բերում թիկունքում: Վճռականապես պետք է որոշել ու ցուցադրել, որ կոիվը շարունակվելու է և որ անհույս մի կոիվ չէ, որը անվիճելի կերպով տանում է մեզ դեպի կորուստ: «Պատմական ամենախոշոր և ճակատագրական սխալը կատարած պետք է լինենք, եթե հիմա ընդունենք Բրեստի դաշնագիրն ու այդպիսով դադարեցնենք պատերազմը, - պնդում էր Կարճիկյանը, - Նախ և առաջ այդ մեզ չի ազատելու ու ապահովելու Տաճկաստանի առաջխաղացումից ու Անդրկովկասի լիովին գրավումից: Հակառակ այն բոլոր հավաստիացումներին, որ արել են տաճիկները, Կովկասի գրավումը հանդիսանում է մի քաղաքական ծրագիր և անհրաժեշտություն Տաճկաստանի համար: Բաթումի և Կարսի գրավումը առաջին էտապն է, դյուրացնելով այդ: Ինձ թվում է, որ այն բուպեին, երբ հայտարարվեց, որ խաղաղությունը կնքված է, որ սահմանները որոշված են, տիրելու է սոսկալի հոգեկան ռեակցիա, որը կհաջորդի չորս տարվա հոգնածությանը: Ոչ միայն կչքանա ոգևորությունը, կովելու ու պաշտպանվելու ձգտումը, որը նկատվում է այժմ և ձեռք է բերված երկար փորձություններից հետո, այլև ամբողջ բանակը կհալվի ու ոչ մի զինվոր չի մնա զենքի տակ: Կասկածից դուրս է, որ դաշնագիրը ընդունելու օրից փաստորեն զինաթափ են լինելու ու լուծվելու են մեր զինվորական ուժերը և բացելու ենք բոլոր դռները Տաճկաստանի առաջ»:¹ Այս կարծիքին էր նաև Անդրանիկը, որը Հայաստանի ապահովության խորհրդի նախագահ Պ. Լևոնյանից ստանալով Նազարբեկյանի կորպուսի կազմում հայկական զորամասեր ստեղծելու առաջարկը, անմիջապես Թիֆլիսից գալով Ալեքսանդրապոլ, ձեռնամուխ է լինում արևմտահայերից բաղկացած Հայկական առանձին հարվածող ջոկատի ստեղծմանը:²

Ինչ վերաբերում է հայ քաղաքական գործիչների մեծամասնությանը, ապա նրանք չգիտես ինչու վստահ էին և հույս ունեին, թե թուրքերը սահմանը չեն անցնի, իսկ եթե անցնեն էլ, իրենք երկիրը անպայման կարող են պաշտպանել: Մասնավորապես, անդրկովկասյան կառավարության պատվիրակության հայ ներկայացուցիչներ Ա. Խատիսյանը և Հ.

¹ Համահայկական խորհրդակցություններ (1912-1920թթ), Փաստերի և նյութերի ժողովածու, խմբ. Ա. Վիրաբյան, Եր. 2014, էջ 324-325: ՀԱՍ, ֆ. 222, ց. 1, գ. 122, թ. 1-4:

² Քաջունի Եղիշե, Զորավար Անդանիկ, Հայկական առանձին հարուածող զորամասը, Եր., Հայկական ուսումնասիրությունների Անի հիմնադրամ, 2015, էջ 19:

Քաջագնունին, Տրապիզոնի բանակցություններում թուրքերի խոստումներին հավատալով, Ալեքսանդրապոլի արտակարգ խորհրդակցության ժամանակ փորձում էին համոզել քաղաքական կուսակցություններին և ժողովրդական մասսաներին Բրեստ-Լիտովսկի պայմանագրի ընդունման անհրաժեշտությունը՝ այն համարելով չարիքներից փոքրագույնը:¹

Մինչ հայ քաղաքական կուսակցություններն ու ազգային հասարակական կազմակերպություններն ապրիլի 6-8-ը Ալեքսանդրապոլում տեղի ունեցած խորհրդակցությունում քննարկում էին Անդրկովկասի պաշտպանության հարցերը, Թուրքիայի հետ հաշտության պայմանները և ճշտում իրենց վերաբերմունքը պատերազմի և խաղաղության նկատմամբ, Թիֆլիսում Անդրկովկասյան Մեյմը հրավիրում է արտահերթ նիստ, Անդրկովկասը հռչակում անկախ, ընդունում Բրեստ-Լիտովսկի պայմանագիրը և պատվիրակություն կազմում նոր բանակցությունների համար:² Չնայած հայ քաղաքական ու ռազմական գործիչների դիմադրությանը և բողոքներին, Անդրկովկասի Դաշնակցային Ռամկավարական Հանրապետության կառավարությունը Չխենկելու գլխավորությամբ ընդունում է թուրքական հրամանատարության բոլոր պայմանները, համաձայնում պարպել Կարսի մարզը, գործերը հետ քաշել մինչև Արփաչայ գետը, ոչնչացնել գետի աջ ափին գտնվող Ալեքսանդրապոլի ամրությունները: Ապրիլի 10-ին հրամայվում է Կովկասյան ճակատի գործերին դադարեցնել ռազմական գործողությունները, իսկ ապրիլի 11/24/-ին Անդրկովկասյան կառավարության ռազմական նախարարի պաշտոնակատար Օդիշելիձեն հրամայում է Նազարբեկյանին՝ թողնել Կարսը:³ Ապրիլի 12-ին չնայած Հայկական կորպուսի և ժողովրդի թշնամուն դիմադրելու հնարավորություններին և ցանկությանը, Կարսն առանց կովի հանձնվում է թուրքերին:⁴ Թուրքական դիվանագիտական խարդավանքների արդյունքում անդրկովկասյան իշխանությունների կողմից Բրեստ-Լիտովսկի պայմանագրի ընդունումը և Կարսն առանց կովի թուրքերին հանձնելը հայ զինվորների և սպաների մեջ ահավոր հուսալքում է առաջացնում և բարոյալքում նրանց: Հայ քաղաքական գործիչները ստիպված են լինում հետևություններ անել: Բրեստ-Լիտովսկի պայմանագրի ընդունումից և Կարսի հանձնումից հետո հույս ունենալով, որ Բաթումում բանակցությունները կշարունակվեն Տրապիզոնի սկզբունքներով, հայոց

¹ Համահայկական խորհրդակցություններ (1912-1920թթ), Փաստերի և նյութերի ժողովածու, խմբ. Վիրաբյան Ա., Եր. 2004, էջ 312-317:

² Ավետիսյան Հ, Հայկական հարցը 1918թ, Եր 1997, էջ 155:

³ ՀԱԱ, ֆ.121, ց.1, գ.49, թ.24-35:

⁴ ՀԱԱ, ֆ.121, ց.1, գ.49, թ.34-35:

պատվիրակության ներկայացուցիչներ Հ. Քաջազունին և Ա.Խատիսյանը, մայիսի 13-ին հանկարծակի են գալիս թուրքերի նոր ծանր պահանջներից և իրենց համար տխուր եզրակացություն անում.«...Դուրս է գալիս, որ մենք եղել ենք խաբված և ինքներս ակամա խաբել ենք մեր ժողովրդին, հավաստելով, որ թուրքերը իրենց պահանջներում Բրեստից այս կողմ չեն անցնի»:¹ Մայիսի 13-ին թուրքերի հետ մասնավոր հանդիպման ժամանակ Խատիսյանն ընդգծում է, որ պահանջվող տարածքի զիջումը թուրքերին միանգամայն անընդունելի է, թե՛ Անդրկովկասի և թե՛ հայերի տեսանկյունից՝ հատկապես: Սակայն թուրքերը, շարունակելով դիվանագիտական խաղերը, հանդես գալով խաղաղության կողմնակից, մեղադրում են Անդրկովկասի իշխանություններին Տրապիզոնում պայմանագիր չկնքելու և պատերազմը շարունակելու համար, որի պատճառով էլ իբր իրենք ստիպված են եղել խախտել Բրեստի պայմանագիրը: Սպառնալիքները, որոնք թվում են, թե խաղաղության օրակարգի հետ կապ չպետք է ունենան, իրականում խաղաղության օրակարգով պատերազմելու ռազմավարության կարևոր մասն են կազմում: Երևանի նահանգի պատկառելի մասի նկատմամբ Բաթումի բանակցություններում թուրքական պահանջների շարժառիթներում գլխավոր պատճառը օսմանյան նախարարը համարում է Կովկասից եկող լուրերը՝ Բաքվում և Երևանի նահանգում մուսուլմանների նկատմամբ հայերի բռնության վերաբերյալ, որն իբր սաստիկ զայրացրել է Թուրքիայի հասարակությանը: Այնուհետև շարունակելով դիվանագիտական ճնշումը թուրքական պատվիրակության ղեկավար Հալիլը դնում է երկու պահանջ: Նախ՝ հայերը Կովկասում պետք է դադարեցնեն մուսուլմանների դեմ բռնությունները և «ապացուցեն որ խելոքացել են», և երկրորդ՝ հնարավորություն տան թուրքերին շուտափույթ օգտագործել երկաթուղին՝ զորքերը Պարսկաստան տեղափոխելու և Թավրիզը հնարավորին չափ շուտ անգլիացիներից գրավելու համար: Իսկ երբ հայ պատվիրակները դնում են նախ՝ Բրեստ-Լիտովսկի պայմանների ճանաչումը և սահմանների հարցի լուծումը, ապա Ալեքսանդրապոլ- Ջուլֆա երկաթգծով անցնելու թույլտվություն տալու հարցը, Հալիլը ձեռնամուխ է լինում թուրքական դիվանագիտական հերթական միջոցին՝ սպառնալիքին: Նա հայտարարում է, որ վախենում է, որ եթե ինքը Բրեստ-Լիտովսկի ճանաչման հարցով դիմի Կ.Պոլսին, ապա նրանք կպահանջեն իրենից վերջնագրի ձևով և տարածքները զիջեն և թույլտվություն տան անցնելու:² Անգլիական առաջ շարժվող զորքին դիմակայելու կարճ ճանապարհը

¹ *Ավետիսյան Հ.*, նշվ.աշխատությունը, էջ 195:

² *Խաչատրյան Ա., Արևելահայ և թուրք դիվանագիտական հարաբերությունները, կազմ. Վ. Ղազախեցյան, Եր. 2010, էջ 159:*

Ալեքսանդրապոլ-Ջուլֆա-Թավրիզ երկաթուղին է և ինքն ունի ենվեր փաշայի հրամանը՝ շտապ գրավել այդ գիծը: Նկատելով, որ հայերի շահերը ես պահանջում են թուրքական զորքերի տեղափոխումը Պարսկաստան, քանզի այդ դեպքում հայերը կխուսափեին նոր արյունահեղությունից և ավերածություններից, Վեհիբը զգուշացնում է, որ հայերի մեծումը կբարդացնի և կդժվարացնի իր առաջադրանքը, սակայն չի կանգնեցնի նրա լուծումը, քանզի եթե հայերը չհամաձայնեն բարի կամքով թույլ տալ անցնելու, ինքը կանցնի ուժով՝ «հանդիսավոր քայլքով»:¹

Տեսնելով թուրքական ծրագրերում հայ ժողովրդի քաղաքական և ֆիզիկական ոչնչացման նպատակները, Քաջագնունին արտահատելով հայ պատվիրակության տեսակետը հրաժարվում է որևէ համաձայնությունից, առաջարկելով նախ որոշել սահմանների մասին հարցը, որի լուծումից կախված են մնացած հարցերը²: Մայիսի 14-ին Չխենկելին Գերմանիայի ներկայացուցիչ ֆոն Լոսովի հետ համաձայնության է գալիս, որ կթույլատրվի թուրքական զորքերի անցումը, եթե Գերմանիան երաշխավորի Բրեստ-Լիտովսկի պայմանագիրը: Սակայն դիվանագիտական և ռազմական հաղթանակն ապահոված Թուրքիայի համար արդեն կարևոր չէր ոչ Անդրկովկասի իշխանության, ոչ նույնիսկ իրենց դաշնակից Գերմանիայի, և առավել ևս՝ հայերի կարծիքը: Թուրքական հրամանատարության ծանուցումն Անդրկովկասյան հանրապետության տարածքով օսմանյան զորքի անցման և Ալեքսանդրապոլի դատարկման մասին Անդրկովկասյան պատվիրակությունը ստանում է միայն մայիս 15-ի առավոտյան, երբ թուրքերը վերջնագիր էին ներկայացրել Ալեքսանդրապոլի կայազորին: Թուրքական հրամանատարությունը նման «վերջնագիր» է ներկայացնում նաև Ալեքսանդրապոլի զորքերի հրամանատարությանը:³

Թուրք դիվանագիտությունը մինչև Ալեքսանդրապոլի գրավումը ջանք չէր խնայել մեկուսացնելու Անդրանիկին:⁴ Իրենց հնարավոր առաջխաղացումը պայմանավորելով մուսուլմանների նկատմամբ իբր թե կատարվող բռնություններով, հայ քաղաքական ուժերին հավաստիացրել էին, թե խաղաղությունը կպահպանվի, եթե հայկական ուժերը առիթ չտան պատերազմի: Եվ ինչքան էլ Անդրանիկը փորձում էր հակառակվել այդ խաղաղասեր ուժերին, պնդելով որ թուրքերի նպատակը հայերին ոչնչացնելն է և նրանք ամեն դեպքում կշարունակեն առաջխաղացումը, հայոց քաղաքական կյանքը տնօրինողները շարունակում էին մնալ իրենց

¹ *Ավետիսյան Հ.* Հայկական հարցը 1918թ, Եր. 1997, էջ 197:

² *Նույն տեղում:*

³ *ՀԱՄ, ֆ. 370, ց.1, գ. 5, թ. 7:*

⁴ *ՀԱՄ, ֆ. 370, ց1, գ. 1,թ.14:*

կարծիքին: Անդրանիկի հայկական առանձին հարվածող ջոկատը չի կարող մասնակցել Ալեքսանդրապոլի համար կոիվներին, քանի որ թեև այնստեղծվել էր Ալեքսանդրապոլում, սակայն Նազարբեկյանի ապրիլ 13-ի հրամանով պաշտպանելու էր Ալեքսանդրապոլ-Ախալքալաքի հաղորդակցությունը և հսկողություն էր սահմանելու Կարսի մարզի վրա:¹ Ակնհայտ էր, որ Ալեքսանդրապոլից-Ախալքալաք ձգվող տարածությունը պահպանելը կջլատեր գորամասը և նրա համար հեշտ չէր լինի գործել որպես միասնական հարվածող ուժ:² Բնական է, որ Անդրանիկը պետք է դժգոհեր ուժերի այս տեղաբաշխումից՝ նպատակահարմար չգտնելով իր գորամասը նշված տեղամասում փոշիացնել: Մայիսի 8-ին Հայաստանի ապահովության խորհրդի նախագահ Վահան Փափազյանը Հայկական առանձին հարվածող գորամասի հրամանատար գեներալ Անդրանիկին ուղղված պաշտոնական գրության մեջ, պատասխանելով վերջինիս նամակին, գորամասի ուժերի տեղաբաշխումը պատճառաբանում էր այն հանգամանքով, որ կովկասյան կառավարությունն ամեն զոհողություններով ջանում է որևէ առիթ չտալ, որ թուրքական բանակը սահմանն անցնի: «Կը գտնենք,- նշված էր այդ գրության մեջ,- որ գլխավորապես թուրքահայ զորամասերի և Ձեր ներկայությունը այնտեղ վերոյիշեալ տեսակետից կարող է յարմար առիթ համարել թուրքական բանակի կողմից և անցանկալի արդյունք ունենալ թե՛ զինադադարի հարգման և թե՛ մանավանդ թուրքահայերի շահերի տեսակետից»:³ Հայոց ազգային խորհրդի և Հայաստանի ապահովության խորհրդի ջանքերով Նազարբեկյանը, որի հրամանատարության տակ էր գործում Անդրանիկի գորամասը, գիտակցաբար հեռու էր պահում Անդրանիկին թուրքերի հետ բախվելու հնարավոր վայրերից: Այս զուշավոր քաղաքականության տրամաբանությունն այն էր, որ առիթ չտային թուրքերին խախտելու զինադադարը: Այս համոզմունքով էլ Ապահովության խորհուրդը Նազարբեկյանին առաջարկում է հեռացնել Անդրանիկին էլ ավելի անվթար մի վայր. «Մեր պարտքն ենք համարում հաստատել,- նշված էր Նազարբեկյանին ուղղված գրության մեջ,- որ Հայաստանի ապահովության խորհուրդը մեր ժողովրդին պատերազմի կործանարար հետևանքներից զերծ պահելու համար հանդիսանում է զինադադարի պայմանների պահպանման համոզված կողմնակից: Ելնելով վերոհիշյալից Խորհուրդը խնդրում է Ձեզ առանձնահատուկ ուշադրություն դարձնել այն հանգամանքի վրա, թե որքանով է հարմար, որ ներկայումս զինադադարի ամենապատասխանատու և վտանգավոր հետևանքներով հղի ժամանակին,

¹ ՀԱԱ, ֆ. 370, ց. 1, գ. 1, թ. 14:

² *Կարապետյան Հ., Անդրանիկ, հ. 3, Եր, 1994, էջ 505:*

³ ՀԱԱ, ֆ. 370, ց. 1, գ. 5, թ. 4:

թուրքական զորամասերի դեմ դուրս բերվեն թուրքահայերը և մասնավորապես մի այնպիսի չափազանց հեղինակավոր և վառ զորահրամանատար, որպիսին գեներալ Անդրանիկն է։ Մենք այն կարծիքին ենք, որ գեներալ Անդրանիկի միայն ներկայությունը այնպիսի շրջաններում, ինչպիսին այժմ նրա գտնվելու վայրն է, հանգամանքների բերումով կարող է ստեղծել այնպիսի պայմաններ, որոնցում գեներալը հարկադրված կլինի շեղվելու Ձեր ցանկություններից, նույնիսկ իր սեփական ցանկությունից անկախ»։¹ Նշված գրության մեջ պահանջ էր դրվում Նազարբեկյանի առաջ միջոցներ ձեռք առնել, որպեսզի «առաջիկայում, մինչև ակտիվ մարտական գործողությունների հնարավոր անհրաժեշտությունը, Անդրանիկի զորամասը փոխարինելու ճակատում գտնվող ուրիշ զորամասով, նրան ետ քաշելով մի ավելի նպատակահարմար վայր»։² Ակնհայտ է, որ Անդրանիկը չէր կարող մասնակցել Ալեքսանդրապոլի պաշտպանությանը, քանի որ տեղյակ չէր թուրքական հարձակման մասին։ 1918թ. մայիսի 15-ին միայն Նազարբեկյանը, տեղեկացնելով Անդրանիկին թուրքերի ուխտադրուժ հարձակման, Ալեքսանդրապոլից 25 վերստ հեռանալու և Ալեքսանդրապոլ-Ջուլֆա երկաթուղին իրենց տրամադրության տակ դնելու վերջնագրի մասին, առաջարկում է անցնել հարձակվող թշնամու թիկունքը և գործել իրադրությանը համապատասխան՝ օգնելով Ալեքսանդրապոլի ջոկատին։³ Իսկ մինչ այդ Անդրանիկը, հանկարծակի հայտնվելով թուրքական զորքի դեմ հանդիման երեք օր կատաղի կռվի արդյունքում չեզոքացնում է թուրքերի կողմից պաշարման վտանգը։ Ալեքսանդրապոլի հանձնվելուց հետո Անդրանիկը գրեթե բոլոր կողմերից շրջապատված լինելով թուրքերով, ընկնում է անելանելի վիճակի մեջ։ Կորպուսի մյուս զորամասերի հետ կապ հաստատելու միակ ելքը տեսնելով դեպի երկաթգիծը շարժվելու մեջ, խուճապի մատնված գաղթականության հետ միասին շարժվում է դեպի Ջալալ-օղլի։ Երկու օրվա կատաղի կռիվներից հետո Անդրանիկը շարժվում է դեպի Դիլիջան։ Այստեղ, իմանալով Բաթումի պայմանագրի կնքման մասին, հեռանում է Հայաստանի Հանրապետության սահմաններից։⁴

Ալեքսանդրապոլի անկման պատճառը հայ հասարակական և քաղաքական ուժերի թուրքական խաղաղության օրակարգին տուրք տվող զգուշավոր քաղաքականությունն էր և, միաժամանակ, թուրքական դիվանագիտության փայլուն հաղթանակը։ Վերջիններս, Տրապիզոնի

¹ ՀԱՍ, ֆ. 370, ց. 1, գ. 5, թ. 2:

² ՀԱՍ, ֆ. 370, ց. 1, գ. 5, թ. 4:

³ ՀԱՍ, ֆ. 370, ց. 1, գ. 1, թ. 26:

⁴ **Ալեքսանյան Կ**, Միհրան Խաչատրյանի հուշերը զորավար Անդրանիկի հայկական առանձին հարվածող զորամասի գործունեության մասին, Հայկազյան հայագիտական հանդես, Բեյրութ, 2016, էջ 533:

բանակցությունների ժամանակ անընդհատ շեշտելով մուսուլման բնակչության նկատմամբ իբր կատարվող բռնությունների մասին, ստիպում են հայ քաղաքական գործիչներին մեկուսացնել ռազմական գործողությունների պատրաստ և ունակ ուժերին, մասնավորապես Անդրանիկ գորավարին և նրա Հայկական առանձին հարվածող ջոկատին, ապա հանկարծակի հարձակումով գրավում Ալեքսանդրապոլը: 1918թ. մայիսի 15-ի «Կովկասի խոսք» թերթի թղթակցության մեջ նշվում է, «Թուրքիան հարձակվել է Ալեքսանդրապոլի վրա, ենթարկել գնդակոծության և գուցե և արդեն գրավել այն: Ինքնին հասկանալի է, որ թուրքերի հարձակումը մեր հրամատարության համար լիովին անսպասելի, ինչպես ձյուն թափվեց նրա գլխին, և այն ոչինչ չէր կարող անել քան ընդունել ճակատամարտը: Բայց պայմանները, որով ընդունվեց այն գրեթե հույս չէր թողնում նրա բարաեհաջող ելքի համար: Թուրքերի գործողությունները ոչ այլ ինչ էին քան ամենաարտասովոր պայմանագրի խախտում, այն պայմանագրի որ ձեռք էր բերվել այնպիսի թանկ գնով ինչպիսին Կարսն էր:

Եթե ուշադիր հետևենք թուրքերի բոլոր հաջողությունները արդյունք են ոչ այնքան ռազմական գործողությունների, որքան դիվանագիտական խարդավանքերի, միջազգային իրավունքի և զինադադարի պայմանների խախտման: Մեր կողմից թուրքերը ոչինչ բացի անընդհատ զիջումներից չեն տեսել: Մեր այդ վերաբերմունքը թուրքերի նկատմամբ պայմանավարված էր խաղաղության կրքոտ ցանկությամբ: Բայց մենք չստացանք ոչ մեկը ոչ մյուսը: Պատերազմը ներխուժեց մեր սահմանները և այնպիսի աներևակայելի արհավիրքներ բերեց որ մտածելիս մարդու արյունն է սառչում...»: ¹

Թուրքական խաղաղության օրակարգով պատերազմելու ռազմավարության կարևոր դրույթներից էր խաղաղության խոստումներով հայ հասարակությանը դիմադրական կարողությունից զրկելը: Հաստատվելով այս կամ այն վայրում թուրքերը դիմում են տեղի բնակչությանը, առաջարկում դիմավորել իրենց՝ խոստանալով ապահովել խաղաղություն և անվտանգություն: Նման ռազմավարությամբ հասարակությանը տրամադրում են կովող ուժերի դեմ՝ չեզոքացնելով վերջիններիս ապահովում իրենց պահանջների կատարումը: Այս տեսակետից առանձնակի հետաքրքիր է Սմբատի նամակն ուղարկված Անդրանիկին. «Մեր զորքերը կանգնած են Համամուլի առաջ, Ջաջուռի լեռների հետևը: Սա մի դժբախտություն, միւս հետևեալն է: Երեկ երեկոյեան ժամը երեքին Համամուլ է գալիս մի տաճիկ սպայ նամակով: Նամակի մէջ

¹ Из истории иностранной интервенции в Армении в 1918г./Документы и материалы/, составитель Х. Бадалян, Ер. 1970, с . 117-119.

նոր պահանջ են առաջարկում, բանալ Ջուլիայի գիծը և անարգել կերպով թոյլ տալ իրենց զինուորներին երկաթուղով անցնել Ջուլիայի գիծը: Համաձայնության դեպքում խօստանում են բոլոր միջոցները ձեռք առնել խաղաղ ժողովրդի կեանք ու գոյքը ապահովել, հակառակ դեպքում սպառնում են ոչ թե բանալ ճանապարհը: Ժամանակամիջոց տրամադրվել է մի ժամ: Ի նկատի առնելով, որ այս բուլլին մենք փաստացի զորք չունենք, մնացել են թշուառ բեկորներ, պոլկ կայ, որ մնացել են 30 հոգի: Ի նկատի առնելով, որ մեր ժողովուրդը չի ցանկանում կուել և սպառնում է կռիւ ցանկացողներին, որպէս իր դժբախտության պատճառների կոտորել, որ ռազմամթերք և պաշար ունենք 4 օրւայ, խորհրդակցելով Թիֆլիսի և Երևանի հետ, որոշեց պատասխանել, որ ընդունում ենք այդ պահանջները և միջոցներ ենք ձեռք առնում, որ տաճկական զորքերը անարգել կերպով անցնեն Ջուլիա: Իմ խորին համոզմունքով սա վերջին պահանջը չէ: Դեռ պահանջներ շատ է լինելու: Եվ վերջապէս պահանջելու են, որ Անդրկովկասը ճանաչի տաճկական գերիշխանութիւնը և դա էլ է ընդունելու: Այդ բոլոր պահանջները այն ձևով են տրուում, որ և պահանջներն են կատարուում և հայ ժողովուրդը թափառական և անդաստան է դառնում: ¹ Միան ռեալ ուժը, որին թուրքերը բախվեցին Սարդարապատում ստիպեց նրանց խաղաղության դաշն կնքել Բաթումում, որտեղ սակայն կրկին խաղաղկելով խաղաղության խաղաքարտը հայերի ձեռքից խլեցին հաղթանակը: Հայաստանի անկախության հռչակումը և Բաթումի խաղաղության պայմանագրի կնքումը, սակայն նրանց հետ չպահեց գրավված տարածքներում, մասնավորապէս Ալեքսանդրապոլի գավառում հայոց ցեղասպանությունը շարունակելու սկսեռուն մտքից: Եվ միայն պատերազմի ավարտական փուլում, երբ ակնհայտ էր իրենց պարտությունը՝ նորից խոսում են խաղաղության մասին, չմոռանալով նյութեր հավաքել «խեղճ» մահմեդականների նկատմամբ հայերի գազանությունների վերաբերյալ: Ցեղասպանությունից մազապուրծ արևմտահայ գաղթականները և թուրքական անօրինակ գազանությունների զոհ գնացած արևելահայերը ստիպված են լինում թուրքական գազանությունների մասին վկայություններ հավաքելու և վեհաժողովին ներկայացնելու համար հանձնաժողով ստեղծել:²

1920թ. սեպտեմբեր-նոյեմբերին թուրքական արշավանքի ժամանակ թուրքերն հերթական անգամ գործարկում են խաղաղությամբ պատերազմելու ռազմավարությունը: Այս անգամ հանդես գալով

¹ ՀԱՍ, ֆ. 370, ց.1, գ. 5, թ. 7:

² ՀԱՍ, ֆ.221, ց. 1, գ. 31, թ. 37: *Ալեքսանյան Կ, Ալեքսանդրապոլի գավառի բնակչության կորուստները թուրքական բռնազավթման շրջանում՝ 1918թ. մայիս-դեկտեմբերին, ՀՀ ԳԱԱ, ՇՀՀԿ, Գիտական աշխատություններ, հ. 23, Գյումրի, 2020, էջ 93:*

Հայաստանի խորհրդայնացման ջատագովների դերում, ապահովում են Խորհրդային Ռուսաստանի աջակցությունը, գրավում Ալեքսանդրապոլի գավառը՝ խաղաղության կողմնակից հայ բոլշևիկների հետ ստեղծում տեղական իշխանության մարմիններ՝ ձեռքի հետ իրականացնելով արևելահայության մի ստվար զանգվածի ցեղասպանություն։ Թեև Ալեքսանդրապոլի և Մոսկվայի եղբայրության խաղաղության պայմանագրերով Ալեքսանդրապոլի գավառը մնում էր Հայաստանին, խաղաղություն հաստատելու պատրվակով ամբողջ վեց ամիս թուրքական զորքերը չեն հեռանում այստեղից՝ մինչև որ խորհրդային հրամանատարությունը վերջնագրով չի ստիպում հեռանալ։ Սակայն հեռանալուց հետո դեռ երկար ժամանակ շարունակում են թշնամական գործողությունները, մինչև որ Կարսի պայմանագրով ամրագրելով ռազմական և դիվանագիտական հաջողությունները չեն կորցում ամեն հնարավոր զիջում։

1918-1921թթ. թուրքական դիվանագիտության կողմից մշակված և գործարկված խաղաղության օրակարգով պատերազմելու ռազմավարությունը բնորոշ էին՝ հայերին իրենց ցանկացած խաղաղությունը պարտադրելը, կնքված պայմանագրերը չիրականացնելը, ամենավերջին հնարավոր տարածքը զավթելն ու հնարավորության սահմաններում թալանելը, միաժամանակ մեղադրելով հակառակ կողմին խաղաղություն տապալման մեջ, սպառնալ պատերազմով, կոտրել դիմադրական կորովը և վերջապես անհիմն հույսեր առաջացնելով խաղաղության կողմնակիցների մոտ՝ բթացնել զգոնությունը, պառակտել հասարակությունը նպաստավոր պայմաններ ստեղծել արևելահայոց ցեղասպանության իրականացման համար։

Հոդվածը տպագրության է երաշխավորել խմբագրական խորհրդի անդամ, պ.գ.դ. Վ.Մ.Ավանեսյանը։